

# الرشاد

س ۱۳۳۰

والله يهدي من يشاء الى صراط مستقيم دینی، علمی، ادبی، سیاسی هفته‌ای مجموعه اسلامی در اتباعون اهدکم سبیل الرشاد

صاحب رسدیر مسئول: ح. اشرف اربیب

جلد ۲ - ۹

۲۷ ایلول ۱۳۲۸

پنجشنبه

۲۹ شوال ۱۳۳۰

عدد ۳۲ - ۲۱۴

نفسی شریف

بِسْمِ اللَّهِ الرَّحْمَنِ الرَّحِيمِ

ان الذين يحادون الله ورسوله اولئك في الاذلين . كتب الله  
لاغلبن انا ورسلي ان الله قوي عزيز

ترجمہ

« انی بیلکزه ، الله ایله اولک پیغمبرینه قارشی کابلر یوقی ، ایشته اولرک ذلیل مخلوقلر صیره سنده در . بنده ، پیغمبرلرم ده مطاق اولری مغلوب ایده جکز ، ذیبه الله اولده یازدی ؛ الله ایسه مرادندن ، قابن دکل ، دوندیر یله مین بر قادر ذوالجلالدر . »

صورت مجادله به منسوب اولان شو ایکی آیت جلیله کتاب اللهک اذ مدھش پارچه لر ننددر . آنجق ، اصلنده کی روح شفته دائر او فاجق بر فکر ویره جک قدر اولسون ، ترجمه سنه المزدہ کی لسانک شیوه سی مساعده ایتیمور . یوقسه ، ادبیاتیله اوغرا شمع سایه سنده عربک سلیقه بیسانه الفت پیدا ایدنلر ایچون ، بو مؤید ، بو مؤکد تهدید الہی قارشینده تیرتیر تیرمه مک قابل اوله ماز .

اوت ، نظریمزی ماضی به طوغری چویررسهک : جناب حقک

کوستردیکی یولی طوتمايان ، پیغمبرلرک سوزینه قولاق ویرمهین ملتیرک ، صوکنده ، نه آغیر بر ذلته محکوم اولدقلرینی ، نه آجیقلی بر سفالت ایچنده چالقانوب کیتدکلرینی کوروروز .

خایر خایر ! ماضیلری قاریشدیرمایه ، اوزاقلره کیتمه به حاجت یوق . ایشته حالده نزه نامتاهی عبرت لوحه لری کوستروب طورویور : هانی مسلمانلرک اسکی شوکتی ، اسکی سعادتق ؛ هانی اولرک اسکی سامانی ، اسکی عزتی ؟

بر زمانلر مرکز خلافت دنیانک ملتجاسی ایکن ، نه ذلتدرکه ، بو کون عادتا ملتجی موقعنده بولونیور ! بر زمانلر صیت شوکتیز جهانی تیره دیرکن ، نه ذالتدرکه ، شیمدی بولغارلر بیله بزق قورقوتقم امیدینه دوشویور !

اگر عقلمزی باشمزه آمازسهق ؛ اکر کتاب اللهه درت الله صاریلازسهق ؛ اکر آره مزده کی نفاقله ، شقاقله خاتمه ویرمزهک ؛ اکر تورکی آرناووده ، عربی کرده دشمن طاقیق سیاست مجنونانه سندن واز کچمزهک ؛ اکر مسلمانلرده عطالتک ، مسکتتک حرام اولدیغنی حالا آکلامق ایسته مزسهک ؛ اکر بو دین مینک جهل ایله پابدار اوله مایه جغه عن صمیم القلب ایمان ایتمزهک ؛ اکر بوتون قوتتمزله دشمنلریمزدن ده قوتلی اولمایه چالیشمازسهق ؛ اکر مملکتتمزه غربک رذائل مدنیتی یرینه فنی ، صنعتی صوقه مازسهق ... نه اوله جغز بیلیر- میسکز ؛ العیاذ بالله ملتیرک مسخره سی ، مسلمانلغک یوز قاره سی ! قهار ذوالجلالک دست انتقامی - حمد اولسون - آلمزه « ضربت علیهم الذل والمسکنة ... » نشانه سی ، اواسارت ابدیه ، او محکومیت سرمدیہ دامغاسنی هنوز اورمادی . لکن قوانین فطرته قارشی براز ده عصیان ایده جک اولورسهق ، اوعلامت خذلان ناصیه لریمزه اوروله جق ؛ هم فردای محشره قدر سیلنمه مک اوزره اوروله جق !

الله تعالیٰ عافیت و سلامت طلب ایدیکر . زیرا دشمنلر کزک الیه نه کی ابتلا لره گرفتار اولاجنکیزی بیله مزسکیز. اولرله قارشیلانشدیغکنز وقتدهده : « ای اولرکده ، بزمده ربزم اولان الله عظیم الشان ! بزمده ناصیه لرمن ، اولرکده ناصیه لری سنک ید قدرت و تصرفکدهدر . اولرلی خجیل و شرمسار ایدجکده آنجق سنک » دیسه دعا ایدیکر . اولدن سوکره یرکزده اوطوروب ثبات ایدیکر . اوزرکزده یورودیلر می ، همان قالقکنز وتکیر آلکنز . »

ینه بوکا قریب اولان دیکر بر حدیث شریفدهده : « فاذا لقیتموهم فاثبوا واكثروا ذکر الله فان اجلبوا وصيحوا فعليکم بالصمت = اولرله ملاقی اولدیغکنز وقتده ایسه ثبات ایدیکر . و ذکر الهی چوقجه ایدیکر . اولر اکر کورولتو ، یا یغاره ایدرلرسه سز سکوتی التزام ایدیکر . » بو یورلمشدر .

دولت حرب آچق اوزرده در دینلور . دشمنلرمن هر طرفدن هجومه حاضر لاش ، ناموس اسلامی کسر ایدجک تکالیف شاقدهده بولونیورمش . هر کون سلاح باطلا یاجق دیسه انتظارده یز . بویله بر صیرهده جهادک فضائلی ، حضرت رسول اکرم صلی الله علیه وسلم اقدمنز حضرتلرینک ترغیبات قدسیه لرینی قارنلرمنزه بیلدیرمک ایجاب ایدرسهده مایه بقاسی حب جهاد ایله یوغورلمش ، نسیم حیاتی استشاق ایتدیکی کوندن صوک نفسنی ویردیکی آنه قدر سامعه سی مناقب جهاد ایله طولمقدن خالی قاللماش بر قومه جهادک فضائلندن بحث ایتکی زاندا کورمیور ، بونکله برابر شیمدی قابل اهل عد ایدیه بیلورم . بو حدیث شریفی بو کون اخوان مسلمینمک پیش انظار عبرتسه عرضه سبب - طوغروسی سوبلیهیم - کچن هفته ایچنده درت اش کون کیجه لی کوندوزلی استانبول سوقاقلرینی چینلانتان شمانلر ، نمایشلر ، متینغلردر . حکومت اداره عرفیه مهرینی آغزیمز باصنجهیه قدر هپ بر آغیزدن : « حرب ایسته رز ! دشمنلرمن قهر اولسون ! » دیدک طوردق . دشمنلرمنک مغلوبیتی ، مقهوریتی ، غضب الهی به اوغراماسنی تمی ایتکه ؛ کیجه کوندوز بونک ایچون بارگاه احدیته کمال تضرع و ابتهال ، انکسار قلب ایله عرض نیاز ایله مکه دیسه جک یوق . فقط حرب ایسته مک ایشته کور یورسکیز که روان پاک محمدینک (صلی الله علیه وسلم) راضی اولاجنی تمیاندن دکلدر . باخصوص یرلری کوکلری بر برینه قاتان بونمایشلر روح اسلامده کی جدیته هیچده موافق دکلدر . نمایش ! ایشته سزه سامعه اسلامک هیچده خوشلا نمادینی برکله . « نمایش » کضمننده آرزوق ساخته کارلق مند مجدر . اسلامک اک زیاده نفرت ایتدیکی شی ایسه ساخته کارلقدر که دین و عقیده به تعلق ایتدیکی وقتده آنی « نفاق » تسمیه ایتمشدر . تام مسلمانجه حرکت ایدجک ایسه ک یا کوروندیکمز کی اولمالی ، یا اولدینمز کی کورونمه لی یز . هیچ بر نقصانمز ، دشمنلرمنی امید - لندیره جک هیچ بر عییمز اولمادینی زمانلرده اولدیغمز کی کورونمه لی ؛ فقط شارلاناغله ، بوش بوغازلغه حمل ایدیه بیلجک افعال و حرکاتک

أوت ، جبهه لری اوداغ خذلان ایله قاراران ملت ، نه قدر چالیشسه ، بردها آسوده برچهره ایله انسانیتک حضورینه چیقهمیور . بزیک قطعی ، یک صریح اولان بو وعید الهینک بانقهرلی حقیقه تحققی کوردک . کتاب الهیک اک آچیق معجزه لرندن بری شودرکه : باشقهرلی دیدیکمز اوزواللی ملت اسکی خطا لرینی تعمیر ، اسکی کناهلرینی تطهیر ایچون سوکرده دن آله بیلدیکنه چالیشمش ، آله بیلدیکنه اوغراشمش ایکن ، قابل دکل ، محکوم اولدینی خسران مؤبدن قورتوله مادی ؛ هم امکانی یوق ، قورتوله مایه جق .

شرقدن ، غربدن ، شمالدن ، جنوبدن ، حاصلی هر طرفدن هجومه حاضر لانان تهلاکئه صریحه یه قارشى صبرینی ، متانتی اله آماسی ؛ جمله سنک بردن « ربنا فرغ علینا صبراً ... » ترانه لاهوتی حماسیله حدود بوینه قوشماسی جماعت اسلامیه ده کی روح الهینک یأس فرسا برتجلدیسیدر .

اگر یاشامق ایستورسه ق بوروحی اولدورمیهلم . یعنی وحدت اسلامیه یی تارمار ایدجک حرکتلر شویله طورسون ، تحریکلردن بیلله الله صیغینهلم . شوصوک حکومت اسلامیه اغیاره قارشى یکپاره برکتله ، مرصوص بر بنیان حالنده قالدقجه ، بوتون دنیا بر آره یه کلسه دوریک دکل ، قیملدانا نماز بیلله !

ای جماعت مسلمین ، سز نه عربسکیز ، نه تورکسکیز ، نه آرنان وودسکیز ، نه کردسکیز ، نه لازسکیز ، نه چرکسکیز ! سز آنجق بر ملتک افرادیسکیز که او ملت معظمه ده اسلامدر . مسلمانلغه وداع ایتدکجه قومیت دعوا سنده بولونه مازسکیز ؛ قومیت غیرتسه دوشدکجهده مسلمان اوله مازسکیز . پیغمبریمز صلی الله علیه وسلم اقدیمزک بیک اوج یوز بو قدر سنه اول امته بیلدیردیکی بو حقیقتی خاطر یکیزدن چیقاردیغکنز کی دنیا کز عذاب ، آخرتکز ایسه بوسبوتون خرابدر . واعتصموا بحبل الله جمیعاً ولا تفرقوا .

محمد عاکف

### حَدِيثٌ شَرِيفٌ

قال رسول الله صلى الله عليه وسلم لا تتموا لقاء العدو واسألوا الله العافية فانكم لا تدرون ما يتسلون منهم واذالقيتموهم فقولوا اللهم ربنا وربهم نواصينا ونواصيتهم بيدك وانما تفشلهم انت ثم الزموا الارض جلوساً فاذا غشوكم فانهمضوا وكبروا

بو حدیث شریف حاکمک مستدرکنده مذکور اولان احادیث شریفه دندر . راویسی حضرت جابر رضی الله عنهدر . ترجمه سی : « دشمن ایله قارشى قارشى به کله یی تمی ایتیکیزده